




АКАФИСТ
СВЯТИТЕЛЮ
СПИРИДОНУ,
ТРИМИФУНТСКОМУ
ЧУДОТВОРЦУ



Сборник Акафист святителю Спиридону, Тримифунтскому чудотворцу

*Текст предоставлен правообладателем
http://www.litres.ru/pages/biblio_book/?art=9741429
Акафист святителю Спиридону, Тримифунтскому чудотворцу:
Сибирская Благовонница; Москва; 2014
ISBN 5-91362-823-7*

Аннотация

По молитве святителя исцелялись больные, из одержимых выходили демоны, воскресали мертвые. Однажды к святителю пришла женщина с мертвым ребенком на руках, прося заступничества святого. Помолившись, он вернул младенца к жизни. Мать, потрясенная радостью, упала бездыханной. Но молитва угодника Божия вернула жизнь и матери.

В праведности и святости прожил святой Спиридон земную жизнь и в молитве предал душу свою Господу около 348 года. Мощи его покоятся на острове Корфу (Керкира) в церкви его имени. Память его Святая Церковь празднует 12 декабря (25 по н. ст.).

**Акафист святителю
Спиридону,
Тримифунтскому
чудотворцу**



Рекомендовано к публикации Издательским Советом Рус-

Текст акафиста приводится по изданию: Акафистник. М.: Издание Московской Патриархии, 1993. Т. 2.

ТРОПАРЬ, ГЛАС 1

Собора Пёрваго показался еси поборник и чудотворец, богоносе Спиридо́не, о́тче наш. Те́м же мёртву ты во гробе возгласи́в, и змию́ в злато претвори́л еси́, и внигда́ пе́ти тебе́ святы́я моли́твы, Ангелы, сослужа́щия тебе́, имёл еси́, священнейши́й.

Сла́ва Да́вшему тебе́ кре́пость, сла́ва Венча́вшему тя, сла́ва Де́йствующему тобо́ю всем исцелёния.

КОНДАК, ГЛАС 2

Любо́вию Христо́вою уязви́вся, священнейши́й, ум вперив заре́ю Ду́ха, де́тельным видёнием твои́м дея́ние обрёл еси́, богоприя́тне, же́ртвенник Божёственный быв, прося́ всем Божёственного сия́ния.



Кондак 1

Препросла́вленный от Го́спода святы́телю и чудотво́рче Спиридо́не! Ны́не всече́стную па́мять твою́ пра́зднующе, я́ко мно́го могу́щему споспéшествовати нам о просла́вльшем тя Христе́, умы́льно вопи́ем ти: изба́ви нас от вся́ких бед и зол, да с благодарéнием зовéм ти:

Ра́дуйся, Спиридо́не, предивный чудотво́рче.

Икос 1

От ю́ности украше́нный все́ми добродéтелями, жити́ем

своим Ангелом подража́вый, ты, святителю Спиридо́не, во-
истину показáлся еси́ друг Христо́в; мы же, зряще тя, небес-
наго челове́ка и земна́го Ангела, со благоговéнием умильно
вопиéм ти:

Ра́дуйся, уме́, созерца́яй та́йны Пресвяты́я Троицы,
ра́дуйся, обогати́выйся Ду́ха пресвётлым осия́нием.

Ра́дуйся, свети́льниче многосвётлый; ра́дуйся, ум твой
безстра́стием просвети́вый.

Ра́дуйся, измла́да и́стинную простоту́ и безмо́лвие возлю-
би́вый; ра́дуйся, украше́ние целому́дрия.

Ра́дуйся, любве́ неистощи́мая струя́; ра́дуйся, я́ко стран-
нолю́бию Авраа́ма подража́л еси́.

Ра́дуйся, я́ко всем любвеобильно вхо́ды до́ма своего́ от-
верза́л еси́; ра́дуйся, ни́щих предста́телю.

Ра́дуйся, пред ни́мже благоговéют лю́дие; ра́дуйся, я́ко ты
еси́ обита́лище Пресвята́го Ду́ха.

Ра́дуйся, Спиридо́не, предивный чудотво́рче.

Кондак 2

Ви́дяще о́стров Кипр и вся христиа́нския страны́ нетле́н-
ныя мо́щи тво́я, святителю, от ни́хже истека́ют обильная
исцелéния, возра́довашася; и мы, почита́юще тя я́ко пре-
обильнаго исто́чника благода́ти, низпо́сланнаго свы́ше нам,
вопиéм к Верхов́ному Подáтелю небесных и земных́ благ:
Аллилу́иа.

Икос 2

Разум Божественный имый, аще сый па́стырь безсловесных овец, ты произволением Па́стырначальника Христа избран был еси в па́стыря овец словесных. Вернии же, разумевше тя добраго па́стыря, неусыпно о стаде своем пекущагося, воспеваху:

Ра́дуйся, архиере́е Бо́га Вы́шняго, в хирото́нии воспри́явый оби́льно Божественную благода́ть; ра́дуйся, свети́льнице многосве́тлый, горя́й и светя́й.

Ра́дуйся, ве́рный де́лателью в вертогра́де Христо́вом; ра́дуйся, па́стырю, на па́жити ве́ры и благоче́стия па́ству свою́ воспита́вый.

Ра́дуйся, сия́ньми добродете́лей твои́х мир просвеща́вый; ра́дуйся, Престо́лу Христо́ву Божественную Же́ртву приноси́вый.

Ра́дуйся, иера́рше, разумением Правосла́вия украше́нный; ра́дуйся, апо́стольскаго уче́ния испо́лненный, ве́рных струя́ми спаси́тельнаго уче́ния напая́й.

Ра́дуйся, я́ко и му́дых озари́л еси́; ра́дуйся, я́ко и простых серде́ц обнови́л еси́.

Ра́дуйся, сла́во правосла́вных и Це́ркве непоколеби́мое утвержде́ние; ра́дуйся, украше́ние отце́в, сла́во и похвало́ иере́ев благоговейных.

Ра́дуйся, Спиридо́не, предивный чудотворче.

Кондак 3

Силою Вышняго, осенівшею тя, святителю Спиридоне, богомудр ты показался еси и, сжавши дланию глину, трбичность Лиц всем очевидно уяснил еси; темже лжемудрии философи, собравшиися на Соборе, ужасошася, вернии же непостижимаго прославиша Бога, умудрившаго тя во спасение, вопиюще Ему: Аллилуиа.

Икос 3

Имеюще тя в помышлениях своих вси отцы Собора проста, неискусна в книжном учении, молиша тя, отче Спиридоне, не препираться словесы с витиею, мнящимся мудр быти. Ты же, святителю, ревностию по Бозе распаляемый, веруя, яко проповедь Христова не в препретьельных мудрости человеческия словесех, но в явлении духа и силы, премудре того обличив, вразумил и на путь истинный наставил еси. Вси, видевше чудо сие, зываху:

Радуйся, свете православныя мудрости; радуйся, яко глаголемых быти мудрых совопросников посрамил еси.

Радуйся, источниче, благодатию обильный; радуйся, непоколебимый столпе, твердо содержащий сущих в вере.

Радуйся, омрачаяй всепагубную ересь; радуйся, чрез

негѡже попра̀но бысть безу́мие.

Ра́дуйся, я́ко персть земна́я проповѣда твои́ма рука́ми Святу́ю Троицу; ра́дуйся, я́ко из гли́ны извел еси́ огонь и во́ду во утвержде́ние догма́та Святы́я Троицы.

Ра́дуйся, я́ко просвети́л еси́ лю́ди сла́вити Сло́во, вои́стину Единосущное Пребезнача́льному Отцу́; ра́дуйся, я́ко зми́еву главу́ па́губныя Ариевы е́реси порази́л еси́.

Ра́дуйся, я́ко тобою́ пожѣрта бысть зло́ба; ра́дуйся, невѣрнаго мудреца́ совопрѣсника к и́стинней вѣре обрати́вый.

Ра́дуйся, Спиридо́не, предивный чудотворче.

Кондак 4

Жизнь проводя́ в убо́жестве и нищете́, ни́щим и бе́дным был еси́ пита́тель и помо́щник и, любве́ ради к ни́щим, зми́я в зла́то преложи́л еси́ и дал еси́ оно́е тре́бующему твоея́ помо́щи. Дивя́щеся о чудеси́ сем, благодарственно вопи́ем к Бо́гу: Аллилу́иа.

Икос 4

Слы́шано бысть всем и всю́ду, я́ко святите́ль Спиридо́н вои́стину есть жили́ще Святы́я Троицы: всели́ся бо в нем Бог Оте́ц, Бог Сло́во и Бог Ду́х Святы́й. Сего́ ради ты словеса́ и дея́ньми проповѣдал еси́ всем христиа́ном воплоще́ннаго

и́стиннаго Бо́га, вопи́ющим:

Ра́дуйся, словес Бо́жих тайнниче; ра́дуйся, домостро-
и́тельство Бо́жие о спасе́нии ми́ра уясни́вый.

Ра́дуйся, я́ко научи́л еси́ не испы́товати е́же естъ пре́выше
ра́зума и му́дрости челове́ческа; ра́дуйся, непостижи́мую
де́йствующую в тебѣ си́лу Бо́жию яви́вый.

Ра́дуйся, я́ко уста́ми твои́ми провещá Сам Бог; ра́дуйся,
я́ко вси послу́шаху тебѣ в сла́дость.

Ра́дуйся, мглу идолослужéния разгна́вый; ра́дуйся, я́ко
мно́гих к и́стинней вѣре привёл еси́.

Ра́дуйся, я́ко главы́ невидимых зми́ев порази́л еси́; ра́дуй-
ся, я́ко тобо́ю прославля́ется вѣра христиа́нская.

Ра́дуйся, я́ко свѣтло озаря́еши всех ублажа́ющих тя;
ра́дуйся, побóрниче христиа́нска вѣры и Правосла́вия.

Конец ознакомительного фрагмента.

Текст предоставлен ООО «Литрес».

Прочитайте эту книгу целиком, [купив полную легальную версию](#) на Литрес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.